

地  
520  
395

蒙

蒙圖一

古

中

志

地  
55°  
39

附圖一函

蒙古志

北京の圖書部  
中國圖書公司編輯印行

# 序言

蒙古地理嚮推張氏蒙古遊牧記最詳博日本參謀本部近撰蒙古地志記纂完備尤爲善本顧遊牧記獨詳區分沿革而於山川大勢氣候寒燠物產豐嗇凡天然人事之關係人生者闕如也蒙古地志大率取材於我國官私著述而以彼國人讀我國書記我國事又不無毫釐之失如舊土爾扈特十旗及中路和碩特三旗已圈入新疆管內彼於區分章已不具載而政體兵制諸章中仍未之刪又如阿爾泰諾爾烏梁海二旗及阿爾泰河兩岸定邊左副將軍所轄之烏梁海十佐領皆自同治三年界約折入俄國而彼書猶著於篇此其牴牾之尤顯者癸卯春內弟夏君頴荃偕其友吳君播聲譯蒙古地志稿郵來相質嘗爲之釐訂其誤茲復不揣庸陋刺取羣籍編爲是冊體例一依蒙古地志內容殆增其半錄所据諸書如左

嘉慶會典

總理衙門通商約章

齊召南水道提綱

李誠萬山綱目



魏源聖武記

王慶雲熙朝紀政

張穆蒙古遊牧記

何秋濤朔方備乘

馬思哈塞北紀程

余案塞程別記

方觀承從軍雜記

范昭達從西紀略

姚瑩庫倫記

李德喀爾喀風土記

龔柴蒙古考略

鄒沅帆中俄界記

錢恂中俄界約斟注

日本人蒙古地志

胡林翼大清一統輿圖

李兆洛一統輿地全圖

洪鈞中俄交界全圖

日本人俄國經營東方部面全圖

家大人喀爾喀四部圖說

蒙古志目次

卷一

位置

山脈

河流

湖澤

沙漠

氣候

派別

卷二

區分

都會

人種

政體

卷三

宗教

教育

貿易

物產

道路

電綫

會計

風俗

# 蒙古志卷一

## 位置

蒙古在十八省之北。地形縱狹橫廣。南盡北緯三十七度。當甘肅省甯夏府中衛縣西南之黃河北岸。北盡北緯五十二度十分。當貝克穆河之北源。南北相距十五度十分。西盡西經三十度二十九分。當齋桑湖之東部。東盡東經十度三十一分。當嫩江會合呼蘭河之點。東西相距四十一度。南界直隸山西陝西甘肅四省。北界俄屬西比里。西界甘肅新疆。東界滿州。面積約一千四百八十四萬一千七百方里。

又有青海蒙古。不連於上所云者。在甘肅四川之西。新疆西藏之東。甘肅新疆之南。四川西藏之北。南盡北緯三十三度。北盡北緯三十七度。東盡西經十四度二十九分。西盡西經二十八度二十九分。南北距四度。東西距十四度。面積約一百十八萬方里。近世

多以英京倫敦為中線。倫敦距中國京師凡百十六度二十九分。

山脈

蒙古山脈凡二大幹。一曰崑崙山脈。一曰阿爾泰山脈。崑崙山脈在青海蒙古與西套蒙古內蒙古。阿爾泰山脈在外蒙古與科布多烏梁海。凡青海蒙古與西套蒙古內蒙古之山皆崑崙之脈也。凡外蒙古與科布多烏梁海之山皆阿爾泰之脈也。二幹皆起新疆西界之帕米爾高原而自西向東。其大者於崑崙山脈爲祁連山阿拉善山陰山興安嶺。於阿爾泰山脈爲唐努山杭愛山肯特山。

一崑崙山脈

崑崙山。蒙古語曰巴顏哈刺山。西自新疆入青海蒙古。蜿蜒東行。爲烏蘭木淪河。與柴達木河之分盤線。至札陵鄂陵二湖之西。分爲三支。一向東南。繚互於黃河南岸。爲烏哈那哈達。拉母拖羅海。查克喇峨。襟普通克查哈朗拖羅海。而巴顏哈喇。茶哈爾。巴顏哈喇。瑪穆基托思。馬查克查達巴罕。巴顏禿呼馬達巴罕。澤巴顏哈喇。瑪穆巴彥哈拉等山嶺。而入四川甘肅境。爲北嶺之正幹。一向正東。盤旋於黃河北岸。爲阿克坦齊欽。

巴爾布哈。烏蘭得什。馬尼都。阿拉克薩拉。哈爾濟。滂馬車。大雪積石等山。而大雪山最爲高峻。山巔積雪。四時不消。青海以南。此山爲冠。一向東北。環繞於青海附近。爲伊瑪圖。拜生圖。胡胡色爾格。察罕鄂博圖等山。而接於祁連。是幹諸山。和碩特。土爾扈特等旗遊牧所在也。巴顏哈刺山脈。崑崙之中幹也。層峯疊嶂。高入雲霄。然水草極饒。畜類孳息。且多金銀鑛云。

祁連山。一曰南山。崑崙之北幹也。分支於青海蒙古之西。而沿邊東行。與新疆甘肅爲界。自西向東。爲阿穆尼厄庫。集魯肯。歐西喜。阿木尼厄岡。噶爾等山。並大通河。東入甘肅。凡甘肅之肅州。甘州。涼州。境內諸山。皆祁連也。山至甘肅古浪縣之南。爲分水嶺。於此有二水。南北分流。其南流者。爲莊浪水。入黃河。北流者。爲古浪水。匯於白海。山勢至此。折向東南。爲松山。而接於阿拉善。此山之脈。橫亙東西。殆二千里。最高之峯。有一萬六千尺。著名之河流。發源於此。山脈者甚夥。其在北麓。爲坤都倫。布隆吉二河。在南麓。爲黃河支流。大通河亦其一也。至於細流。不遑枚舉。山中水草充足。畜牧甚便。氣候冬

溫夏涼。蓋樂土也。

阿拉善山。一曰賀蘭山。起於松山。北貫長城。並黃河而東北。爲巴克丁。阿坦等山。內蒙古與西套蒙古之界山也。至河套西北。而接於陰山。此山之陰。阿拉善額魯特遊牧所在也。漢人多居其陽。蒙古人名之曰阿拉善。漢人名之曰賀蘭。故山陰山陽異名。實一聲之轉耳。山長千餘里。峯巒蒼翠。崖壁斗絕。巴克丁山爲最高。約一萬一千六百尺。餘達雪線者。於九月下浚。已積雪於山腰。惟山勢峭削窄狹。廣僅三十六里。不能保持水泉。故鮮河流發源。且生物亦甚少。俄人布拉第挖斯奇氏。謂是山之質。但成白花岡石片磨石石炭等。故不生草木。惟其西部高於海面七千五百尺處。略有松杉楊柳。是山中有大伽藍三座。蒙古僧住之。而毀於東干之亂。今其遺趾僅存。

陰山。亦曰大青山。起自內蒙古境河套西北。脈向東北。爲狼居胥。色爾騰。翁金朔龍。噶札爾。瓮翁。拜賽古兒。德爾。布虎圖。臥龍。海刺喀等山。縣互內蒙古烏喇特。茂明安。喀爾喀。右翼四子部落。蘇尼特。阿巴噶。阿巴哈納爾等旗。與內屬蒙古土默特。察哈爾之境。

海喇喀山者。當西喇木倫河源。自海喇喀山而北。接於興安嶺。自海喇喀山而東南。則爲本幹。本幹行於直隸境內。爲蝦蟆大衍。毛金。明安等山。凡直隸境內之蒙古各旗。若克什克騰。若翁牛特。若喀喇沁。若土默特。喀爾喀左翼。若敖漢。若奈曼。皆牧於其北麓。明安山當承德府之東。爲老哈河之源。山脈至此。分支折向東北。爲大凌河源。經喀喇沁。土默特。翁牛特。敖漢。奈曼等旗。至科爾沁左翼。爲法庫山。又東入盛京。其錦州府之醫巫閭山。亦此山脈之尾也。是脈起自河套西北。斜達盛京邊牆。橫亙沙漠之南。延袤長城之北。殆二千餘里。

興安嶺起於海喇喀山。當西喇木倫河之源。脈向東北。行於內蒙古地。爲阿爾噶靈圖。桃圖。喀拉坎。三因溫都。拉馬衣馬哈拉。蘇克蘇魯等山。山之陽。巴林阿魯科爾沁。札魯特。諸旗之遊牧地也。哈奇爾。郭特爾。二河出焉。山之陰。阿巴哈納爾。浩齊特。烏珠穆沁。諸旗之遊牧地也。錫林。雞林。呼魯呼爾。賀魯渾等河出焉。諸河東西分流。瀦爲湖泊。又有細流數道。或湮沒沙地。山脈當蘇克蘇魯山。有支脈焉。其在哈奇爾河與郭特爾河。

間者爲奇爾巴爾山。爲特里野山。在郭特爾河與陶爾河間者。爲約孫海拉蘇山。爲翁  
袞山。皆東南行。科爾沁部高原在焉。本榦又自蘇克蘇魯北行。爲烏哈納。巴彥和碩。胡  
蘇台。索岳爾濟等山。索岳爾濟山。聳立滿州蒙古之間。陶爾河源所發也。嫩江西岸支  
流。多發源於山之陽。鄂爾呼河。喀爾喀河。則發源於山之陰。滿蒙之間。一高峯也。又自  
索岳爾濟北行。而入於黑龍江省。環繞嫩江流域。凡黑龍江境內諸山。莫非興安支峯。

二阿爾泰山脈

阿爾泰山。西自新疆入科布多。額爾齊斯河出焉。折而北。蟠伊克阿拉克泊。與烏布薩  
泊之西。介額爾齊斯河與貝克穆河間。沿中俄邊界。而入於俄屬西比里。接薩彥山脈。  
延袤甚長。支脈甚衆。高約六千尺至八千尺。達雪線者。則在北半。其在伊克阿拉克泊。  
與烏布薩泊之西。亦名賽留格木嶺山脈。其在額爾齊斯河與貝克穆河之間。亦名薩  
彥山脈。而於烏布薩泊之西北。分支東趨。爲科布多烏梁海之界山。而接於唐努。其烏  
布薩泊之西南。亦有支脈向東。爲孫都爾山。喀拉阿集爾漢山。奇勒替思山。皆在伊克

阿拉克泊與阿布薩泊之間。至瑪拉哈山而接於杭愛。又凡伊克阿拉克泊以南諸山。若哈瑪爾嶺等。迤邐東南。直達沙漠。貫札薩克圖三音諾顏二部。接西套蒙古之邊。則其南幹也。

唐努山起烏布薩泊西北。阿爾泰之大支幹也。其脈自西向東。爲哈拉莽。化漢台。伊都克溫都爾等山。皆在烏布薩泊之北。貝克穆河之南。科布多烏梁海之界山也。又東至額爾齊特山。爲札薩克圖汗與烏梁海之界。接於杭愛山脈之北。而折向東北。爲章哈等山。貝克穆河之南源出焉。又北爲塔爾噶克等山。則貝克穆河北源之所發。山勢至此又折而西。蟠貝克穆河源之北。至布拉漢山。是脈環繞貝克穆河上游。皆崇山峻嶺。高至八千二百尺。有達雪線者。凡山陰之水。皆貝克穆河支流。其陽則多湖澤。而烏布薩。伊克阿拉克。桑金達賴。庫蘇古爾四泊爲最巨。自庫蘇古爾泊之北。分支東趨。爲努克圖嶺等。則其東幹矣。又此山脈自塔爾噶克山。至布拉漢山。或名之曰噎耳奇克。達爾噶克山脈。亦稱薩揚山脈。自努克圖嶺以東。塔爾噶克山以西。爲中俄邊界。總名

亦曰薩彥山脈。薩彥之最高處曰穆遜。奇峯插雲。高達萬一千四百尺。四時戴雪。山中堅冰。雖盛夏不解。而恆有蟲類緣行其上。抑亦奇已。

杭愛山。互外蒙古三音諾顏部中央。與札薩克圖汗部之東北。及土謝圖汗車臣汗二部之南。其脈起於札薩克圖汗部之額爾齊特山。自北而南。入三音諾顏部。爲伊遜都溫哈拉。烏克克。庫爾薩雅。庫庫等山。達於沙漠。折而東北。入土謝圖汗部之西南。而接肯特。又東入車臣汗部。山之東麓。齊老圖。胡伊魯。塔米爾。庫爾里克。鄂爾坤。喀佬哈等河所發源。皆色楞格河支流也。山之西麓。噶蘇台河。拜塔里克河。推河。塔楚河。翁金河。所發源。又有細流。或潴爲泊。或涸於沙。是脈之北部饒樹林。南部蕃草木。其在齊老圖河發源處爲最高峻。四時戴雪。次爲瑪拉哈山。俄人伊喇益雅斯氏稱此山之高有八千二百尺。然猶不止。蓋見有達雪線者。

肯特山。介車臣汗部與土謝圖汗部之間。兩部之界山也。其脈起於土謝圖汗部都蘭哈拉山。迤而東北。爲汗山。爲巴彥集魯克山。爲奇爾薩山。爲巴彥集喜克山。而北入俄

屬西北里。接外興安嶺。西人所謂牙布勒諾威山脈者也。山之西麓。圖拉。通克勒。布拉等河所發源。其東麓。克魯倫。敖嫩。二河所發源。敖嫩即黑龍江本幹。克魯倫為黑龍江支流。汗山者。元太祖困於蔑兒乞而避難之處。故其名頗著。山之陰有城。曰庫倫。蒙古最繁盛之大都會也。

以上兩脈乃其總名。析言之。則隨地各異。茲為詳攷列表如左。

一崑崙山脈

崑

崙

山

脈

納木齊圖山	拉母施羅海	馬查克查達	巴爾布哈嶺	滂馬山	
巴顏哈喇山	山	巴漢嶺	烏蘭得什山	底衛奎多克	以上
音德爾圖錫	查克喇峨山	郭洛克山	布呼集魯肯山		
勒圖山	雜普通克查	巴顏禿呼馬山	積石山		和碩

託賴嶺

哈朗陀羅海

達罕嶺

碧柳圖山

烏藍莽奈山

特西

巴爾布哈山

山

澤巴顏哈喇

貌布拉克達

伊瑪圖山

右翼

古爾班圖爾

布巴顏哈喇

嶺

嶺

右翼

哈圖山

山

馬尼都山

密里克山

中旗

噶達素齊老

瑪穆基託思

瑪穆巴彥哈

布安山

西右

山

嶺

拉山

阿拉克薩拉

仄福爾巴彥

茶哈爾巴顏

卓作克阡通

山

翼後

哈嶺

哈拉山

拉山

哈爾濟嶺

旗西

烏哈那哈達

巴顏禿胡穆

巴顏哈喇嶺

阿木尼扣肯

山

嶺

阿克坦齊欽

古兒板山

左翼

車山

大雪山

山

阿木尼麻禪

後旗

母孫山

